

摛藻堂四庫全書薈要

集部

欽定四庫全書會要

集部

御定全唐詩卷七百八九

詳校官原任主事臣李斯咏

欽定四庫全書叢要卷一萬八千一百十三

集部

御定全唐詩卷七百八

徐夤

徐夤字昭夢莆田人登乾寧進士第授秘書省正字依
王審知禮待簡畧遂拂衣去歸隱延壽溪著有探龍釣
磯二集編詩四卷

釣臺

金門誰奉詔碧岸獨垂釣舊友祇樵叟新交惟野鷗嘉

名懸日月深谷化陵丘便可招巢父長川好飲牛

旅次寓題

胡為名利役來往老闊河白髮隨梳少青山入夢多途窮憐抱疾世亂恥登科却起漁舟念春風釣綠波

贈嚴司直

承家居闕下避世出關東有酒劉伶醉無兒伯道窮新詩吟閣賞舊業釣臺空雨雪還相訪心懷與我同

贈東方道士

葫蘆窗畔挂是物在其間雪色老人鬢桃花童子顏祭
星秋卜日採藥曉登山舊放長生鹿時銜瑞草還

題僧壁

香厨流瀑布獨院巒孤峯紺髮青螺長文茵紫豹重卵
枯皆化燕蜜老却成蜂明月留人宿秋聲夜著松

和人經隋唐間戰處

孤軍前度戰一敗一成功卷旆早歸國卧屍猶臂弓草
間腥半在沙上血殘紅傷魄何為者五湖垂釣翁

追和常建嘆王昭君

紅顏如朔雪日樂忽成空淚盡黃雲雨塵消白草風君
心爭不悔恨思竟何窮願化南飛燕年年入漢宮

贈董先生

壽歲過於百時間到上京餐松雙鬢嫩絕粒四支輕雨
雪思中嶽雲霞夢赤城來年期壽錄何處待先生

河流

洪流盤砥柱淮濟不同波莫訝清時少都緣曲處多遠

能通玉塞高復接銀河大禹成門嶮爲龍始得過

題南寺

久別猿啼寺流年刮逝波舊僧歸塔盡古瓦長松多夕壁
鮮昏題記窗螢散薜蘿平生英壯節何故旋消磨

北山秋晚

十載衣裘盡臨寒隱薜蘿心間緣事少身老愛山多玉
露催收菊金風促翦禾燕秦正戎馬林下好婆娑

昔遊

昔遊紅杏苑今隱刺桐村歲計懸僧債科名負國恩不
書牘漸穩頻鑷鬢無根惟有經邦事年年志尚存

酒胡子

紅筵絲竹合用爾作歡娛直指寧偏黨無私絕覬覦當
歌誰擐袖應節漸輕軀恰與真相似瓊裘滿領鬚

弔崔補闕

近來吾道少慟哭博陵君直節岩前竹孤魂嶺上雲縉
紳傳確論丞相取遺文廢却中興策何由免用軍

弔赤水李先生

三年悲過隙一室類銷冰妻病入仙觀子窮隨獄僧荒
丘寒有雨古屋夜無燈往日清猷著金門幾欲徵

香鴨

不假陶鎔妙誰教羽翼全五金池畔質百和口中煙觜
鈍魚難啄心空火自燃御爐如有闕須進聖君前

雞

名參十二屬花入羽毛深守信催朝日能鳴送曉陰蛾

冠裝瑞璧利爪削黃金徒有稻梁感何由報德音

白鵠

舉翼凌空碧依人到大邦粉翎棲畫閣雪影拂瓊窗振
鷺堪為侶鳴鳩好作雙狎鷗歸未得覩爾憶晴江

龜

行止竟何從深溪與古峰青荷巢瑞質綠水返靈蹤鑽
骨神明應酬恩感激重仙翁求一卦何日脫龍鍾

銀結條冠子

日下徵良匠宮中贈阿嬌瑞蓮開二孕

一作采

瓊縷織千

條蟬翼輕輕結花紋細細挑舞時紅袖舉纖影透龍綃

蜀葵

劍門南面樹移向會仙亭錦水饒花豔岷山帶葉青文
君慚婉婉神女讓娉婷爛漫紅兼紫飄香入繡局

華清宮

十二瓊樓鑠翠微暮霞遺却六銖衣桐枯丹穴鳳何去
天在鼎湖龍不歸簾影罷添新翡翠露華猶濕舊珠璣

君王魂斷驪山路且向蓬瀛伴貴妃

再幸華清宮

腸斷將軍改葬歸錦囊香在憶當時年來却恨相思樹
春至不生連理枝雪女塚頭瑤草合貴妃池裏玉蓮衰
霓裳舊曲飛霜殿夢破魂驚絕後期

喜雨上主人尚書

天皇攘袂勅神龍雨我公田兆歲豐幾日淋漓侵暮角
數宵滂沛徹晨鍾細如春霧籠平野猛似秋風擊古松

門下十年耕稼者坐來偏憶翠微峰

迴文詩二首

飛書一幅錦文迴
恨寫深情寄雁來
機上月殘香閣掩
樹梢煙澹綠窗開
霏霏雨罷歌終曲
漠漠雲深酒滿杯
歸白幾人行問卜
徽音想望倚高臺

輕帆數點千峰碧
水接雲山四望遙
晴日海霞紅靄靄
曉天江樹綠迢迢
清波石眼泉當檻
小逕松門寺對橋
明月釣舟漁浦遠
傾山雪浪暗隨潮

不把漁竿

不把漁竿不灌園
策筇吟遶綠蕪村
得爭野老眠雲樂
倍感閩王與善恩
鳥趣竹風穿靜戶
魚吹煙浪噴晴軒
何人買我安貧趣
百萬黃金未可論

古往今來

古往今來恨莫窮
不如沈醉卧春風
雀兒無角長穿屋
鸚鵡能言却入籠
柳惠豈嫌居下位
朱雲直去指三公
間思郭令長安宅
草沒匡牆舊事空

十里煙籠

十里煙籠一徑分故人迢遞久離羣白雲明月皆由我
碧水青山忽贈君浮世宦名渾似夢半生勤苦謾為文
北邙坡上青松下盡是鏽金佩玉墳

偶書

巧者多為拙者資良籌第一在乘時市門逐利終身飽
谷口躬耕盡日飢瓊玖鬻來燕石貴蓬蒿芳處楚蘭衰
高皇冷笑重瞳客蓋世拔山何所為

潤屋

潤屋豐家莫妄求
眼看多是與身讐
百禽羅得皆黃口
四皓山居始白頭
玉爍火光爭肯變
草芳崎岸不曾秋
朱門粉署何由到
空寄新詩謝列侯

退居

鶴性松心合在山
五侯門館怯趨攀
三年卧病不能免
一日受恩方得還
明月送人沿驛路
白雲隨馬入柴關
笑他范蠡貪財甚
相罷金多始退閒

閉門

閉却閒門臥小窗

一作竹房

更何人與療膏肓一生有酒唯

知醉四大無根可預量骨冷欲針先覺痛肉頑頻灸不

成瘡漳濱伏枕文園渴盜跖縱橫似虎狼

開窗

閉戶開窗寢又興三更時節也如冰長間便是忘機者
不出真如過夏僧環堵豈慚蝎作舍布衣寧假鶴爲翎
薔薇花盡薰風起綠葉空隨滿架藤

燈花

點蠟燒銀却勝裁九華紅豔吐玫瑰獨含冬夜寒光拆
不傍春風暖處開難見只因能送喜莫挑唯恐墮成灰
貪膏附熱多相誤爲報飛蛾罷拂來

東歸出城留別知己

韋常

一作蒙屈指許非才三載長安共酒杯欲別未攀楊

柳贈相留擬待牡丹開寒隨御水波光散暖逐衡陽雁
影來他日因書問衰颯東溪須訪子陵臺

詠懷

愁花變出白鬚鬚半世辛勤一事無道在或期君夢想
貧來爭柰鬼揶揄馬卿自愧長嬰疾顏子誰憐不是愚
借取秦宮臺上鏡爲時開照漢妖狐

郊村獨遊

歲閏堪憐歷候遲出門惟與野雲期驚魚擲上綠荷芰
棲鳥啄餘紅荔枝末路可能長薄命修途應含有良時
市頭相者休相戲戚膝先生半自知

經故一作過翰林楊左丞池亭

八角紅亭蔭綠池 一朝青草蓋遺基
薔薇藤老開花淺 翡翠巢空落羽奇
春榜幾深門下客 樂章多取集中詩
平生德義人間誦 身後何勞更立碑

經故一作過廣平員外舊宅

門巷蕭條引涕淒遺孤三歲著麻衣 綠楊樹老垂絲短
翠竹林荒著筍稀 結社僧因秋朔弔買書船近葬時歸
平生欲獻匡君策 抱病猶言未息機

潘丞相舊宅

綠樹垂枝蔭四鄰春風還似舊時春年年燕是雕梁主
處處花隨落月塵七貴竟為長逝客五侯尋作不歸人
秋槐影薄蟬聲盡休謂龍門待化鱗

門外間田數畝長有泉源因築直堤分爲兩沼
左右澄漪小檻前直堤高築古平川十分春水雙簷影
一片秋空兩月懸前岸好山搖細浪夾門嘉樹合晴煙
坐來暗起江湖思遠問溪翁買釣船

北園

北園乾葉旋空枝蘭蕙還將衆草衰籠鳥上天猶有待
病龍興雨豈無期身閒不厭頻來客年老偏憐最小兒
生事罷求名與利一窗書策是年支

溪上要一隻白簾扇蓋頭垂釣去年就節推待

御請之蒙惠一柄紫花紋者雖則鱗華具甚一作

在紕薄不及清源所出因就南郡陳常侍請之

遂成拙句

難求珍簟過炎天遠就金貂乞月圓直在引風欹角枕
且圖遮日上漁船但令織取無花簟不用挑爲飲露蟬
莫道如今時較晚也應留得到明年

招隱

齒髮那能敵歲華早知休去避塵沙鬼神只闢高明里
倚伏不干棲隱家陶景豈全輕組綬留侯非獨愛煙霞
贈君吉語堪銘座看取朝開暮落花

憶山中友人

憶得當年接善鄰
苦將閒事強夫君
鬪開碧沼分明月
各領青山占白雲
近日藥方多繕寫
舊來詩草半燒焚
金門幾欲言
西上惆悵關河正用軍

溪隱

將名將利已無緣深隱清溪擬學仙絕却腥羶勝服藥
斷除格酒合延年
蝸牛殼漏一作滿寧同舍榆莢花開不

是錢鸞鶴久從籠檻閉春風却放紙為鳶

酒醒

酒醒欲得適閒情騎馬那勝策杖行天暖天寒三月暮

溪南溪北兩村

一作川

名沙澄淺水魚知釣花落平田鶴

見耕望斷長安故交遠來書未說九河清

夢斷

夢斷紗窗半夜雷別君花落又花開漁陽路遠書難寄
衡嶽山高月不來玄燕有情穿繡戶靈龜無應祝金杯
人生若得長相對螢火生煙草化灰

人事

人事飄如一炷煙且須求佛與求仙豐年甲子春無雨
良夜庚申夏足眠顏氏豈嫌瓢裏飲孟光非取鏡中妍
平生生計何為者三逕蒼苔十畝田

休說

休說人間有陸沈一樽閒待月明斟時來不怕滄溟闊
道大却憂潢潦深白首釣魚應是分青雲千祿已無心
梓桐賦罷相如隱誰爲君前永夜吟

嘉運

嘉運良時兩阻修釣竿蓑笠樂林丘家無寸帛渾閒事
身似浮雲且自繇庭際鳥啼花旋落潭心月在水空流
晨炊一箸紅銀粒憶著長安索米秋

綠鬚

綠鬚先生自出林孟光同樂野雲深躬耕為食古人操
非織不衣賢者心眼衆豈能分瑞璧舌多須信爍良金
君看黃閣南遷客一過龍州絕好音

驕侈

驕侈阽危儉素牢鏡中形影豈能逃石家恃富身還滅
顏子非貧道不遭蝙蝠亦能知日月鸞鳳那肯啄腥臊
古今人事惟堪醉好脫羈裳換綠醪

龍蟄二首

龍蟄蛇蟠却待伸和光何惜且同塵伍員豈是吹簫者
冀缺非同執未人神劍燭星當變化良金成器在陶鈞
攘侯休忌關東客張祿先生竟相秦

休說雄才間代生到頭難與運相爭時通有詔徵枚乘

世亂無人薦禰衡
逐日莫矜駕馬步
司晨誰要牝雞鳴
中林且作煙霞侷
塵滿關河未可行

逐臭蒼蠅

逐臭蒼蠅豈有爲
清蟬吟露最高奇
多藏苟得何名富
飽食嗟來未勝飢
窮寂不妨延壽考
貪狂總待算毫釐
首陽山翠千年在
好真冰壺弔伯夷

牡丹花二首

看徧花無勝此花
翦雲披雪蘸丹砂
開當青律二三月

破却長安千萬家天縱穠華剗鄙吝春教妖豔毒一作
妬

豪奢不隨寒令同時放倍種雙松與辟邪

萬萬花中第一流淺霞輕染嫩銀既能狂綺陌千金子
也惑朱門萬戶侯朝日照開攜酒看暮風吹落遼欄收
詩書滿架塵埃撲盡日無人畧舉頭

尚書座上賦牡丹花得輕字韻一本無韻字其花自

越中移植

流蘇凝作瑞華精仙閣開時麗日晴霜月冷銷銀燭焰

寶甌圓印綵雲英嬌含嫩臉春妝薄紅蘸香銷豔色輕
早晚有人天上去寄他將贈董雙成

依韻和尚書再贈牡丹花

爛銀基地薄紅妝羞殺千花百卉芳紫陌昔曾遊寺看
朱門今在遶欄望龍分夜雨資嬌態天與春風發好香
多著黃金何處買輕橈挑過鏡湖光

郡庭一作惜牡丹

腸斷東風落牡丹爲祥爲瑞久留難青春不駐堪垂淚

紅豔已空猶倚欄
積鮮下銷香藥盡
晴陽高照露華乾
明年萬葉千枝長
倍發芳菲借客看

追和白舍人詠白牡丹

落盡抽開素練囊
瑤葩薰出白龍香
裁分楚女朝雲片
翦破姮娥夜月光
雪句豈須徵柳絮
粉腮應恨帖梅妝
檻邊幾笑東籬菊
冷折金風待降霜

憶牡丹

綠樹多和雪霰裁
長安一別十年來
王侯買得價偏重

桃李落殘花始開宋玉鄰邊腮正嫩文君機上錦初裁

滄洲春暮空腸斷畫

一作盡

看猶將勸酒杯

惜牡丹

今日狂風揭錦筵預愁吹落夕陽天間看紅豔只須醉
謾惜黃金豈是賢南國好偷誇粉黛漢宮宜摘贈神仙
良時雖作鶯花主白馬王孫恰少年

覽柳渾汀洲採白蘋之什因成一章

採盡汀蘋恨別離鴛鴦鷺鷀總雙飛月明南浦夢初斷

花落洞庭人未歸天遠有書隨驛使夜長無燭照寒機
年來泣淚知多少重疊成痕在繡衣

司直巡官無諸移到玫瑰花

芳菲移自越王臺最似薔薇好並栽穠豔盡憐勝絲繪
嘉名誰贈作玫瑰春藏錦繡風吹折天染瓊瑤日照開
爲報朱衣早邀客莫教零落委蒼苔

梅花

瓊瑤初綻嶺頭葩蕊粉新妝婉女家舉世更誰憐潔白

癡心皆盡愛繁華玄冥借與三冬景謝氏輸他六出花
結實和羹知有日肯隨羌笛落天涯

荔枝二首

朱彈星丸粲日光綠瓊枝散小香囊龍綃縠綻紅紋粟
魚目珠湧白膜漿梅熟已過南嶺雨橘酸空待洞庭霜
蠻山蹋曉和煙摘拜捧金盤奉越王

日日薰風卷瘴煙南園珍巢荔枝先靈鴟啄破瓊津滴
寶器盛來蚌腹圓錦里只聞銷醉客藥宮惟合贈神仙

何人刺出猩猩血深染羅紋遍殼鮮

菊花

桓景登高事可尋
菊花開處綠畦深
消災辟惡君須採
冷露寒霜我自禁
雜物一作槿
早榮還早謝
澗松同德復

同心陶公豈是居
貧者剩有東籬萬朵金

畫松

澗底陰森驗筆精
筆間開展覺神清
曾當月照還無影
若許風吹合有聲
枝偃只應玄鶴識
根深且與茯苓生

天台道士頻來見說似株株倚赤城

草木

草木無情亦可嗟重開明鏡照無涯菊英空折羅含宅
榆莢不生原憲家天命豈憑醫藥石世途還要辟蟲沙
仙翁乞取金盤露洗却蒼蒼兩鬢華

松

澗底青松不染塵未逢良匠競誰分龍盤勁節岩前見
鶴唳翠梢天上聞大廈可營誰擇木女蘿相附欲凌雲

皇王自有增封日修竹徒勞號此君

竹

翠染琅玕粉漸開東南移得會稽裁游絲挂處漁竿去
綠水夾時龍影來風觸有聲含六律露沾如洗絕浮埃
王猷舊宅無人到抱却清陰蓋綠苔

尚書打毬小驄步驟最奇因有所一本無有贈所二字

善價千金未可論燕王新寄小龍孫遂將白日馳青漢
銜得流星入畫門步驟最能隨手轉性靈多恐會人言

桃花雪點多雖貴全假當場一顧恩

尚書惠蠟面茶

武夷春暖月初圓採摘新芽獻地仙飛鵲印成香蠟片
啼猿溪走木蘭船金槽和碾沈香末冰碗輕涵翠縷煙
分贈恩深知最異晚鑄宜煮北山泉

勸酒

休向尊前憇羽觥百壺清酌與君傾身同綠樹年年老
事比紅塵日日生六國英雄徒反覆九原松柏甚分明

醉鄉路與乾坤隔豈信人間有利名

斷酒

因論沈湎覺前非便碎金罍與羽卮採茗早馳三蜀使
看花甘負五侯期窗間近火劉伶傳坐右新銘管仲辭
此事十年前已說匡廬山下老僧知

憶舊山

澗竹岩雲有舊期二年頻長鬢邊絲遊魚不愛金梧水
棲鳥敢求瓊樹枝陶景戀深松檜影留侯拋却帝王師

龍爭虎攫皆閒事
數疊山光在夢思

御定全唐詩卷七百八

欽定四庫全書
欽定全唐詩卷一萬八千一百十四集部

御定全唐詩卷七百九

徐夤

西華

五千仞有餘神秀一一排雲上
次瀉豐嶂出關分二陝
殘岡過水作中條巨靈廟破生春
草毛女峰高入絳霄
拜祝金天乞陰德爲民求主降神堯

嵐似屏風

嵐似屏風草似茵草邊時瞻錦花鱗山中宰相陶弘景
谷口耕夫鄭子真宦達到頭思野逸才多未必笑清貧
君看東洛平泉宅只有年年百卉春

憶潼關

洞壑雙扉入到初似從深穿覩高墟天開白日臨軍國
山夾黃河護帝居隋煬遠遊宜不反奉春長策竟何如
須知皇漢能局鑄延得年過四百餘

憶潼關早行

行客起看仙掌月落星斜照濁河泥故山遠處高飛雁
去馬鳴時先早雞關柳不知誰氏種岳碑猶見聖君題
芻蕘十軸僅三尺豈謂青雲便有梯

鴻門

舊本作失題

耨月耕煙水國春薄徒應笑作農人皇王尚法三推禮
白社寧忘四體勤雨灑蓑衣芳草暗鳥啼雲樹小村貧
猶勝情力求飧者五斗低腰走世塵

憶長安行

舊歷關中憶廢興僭奢須戒儉須憑火光只是燒秦家
賊眼何曾視灞陵鐘鼓煎催人自急侯王更換恨難勝
不如坐釣清溪月心共寒潭一片澄

憶長安上省年

忽憶關中逐計車歷坊騎馬信空虛三秋病起見新鴈
八月夜長思舊居宗伯帳前曾獻賦相君門下再投書
如今說著猶堪泣兩宿都堂過歲除

長安述懷

黃河冰合尚來遊知命知時肯躁求詞賦有名堪自負
春風落第不曾羞風塵色裏凋雙鬢擊鼓聲中歷幾州
十載公卿早言屈何須課夏更宜搜

長安即事三首

拋擲清溪舊釣鉤長安寒暑再環周便隨鶯羽三春化
只說蟬聲一度愁掃雪自憐窗紙照上天寧愧海槎流
明時則一作只待金門詔肯羨班超萬戶侯

無酒窮愁結自舒飲河求滿不求餘身登霄漢平時第

家得干戈定後書富貴敢期蘇季子清貧方見馬相如
明時用即匡君去不用何妨却釣魚

拖紫腰金不要論便堪歸隱白雲村更無名籍強金榜
豈有花枝勝杏園綺席促時皆國器羽觥飛處盡王孫
高眠亦是前賢事爭報春闌莫大恩

東京次新安道中

賊去兵來歲月長野蒿空滿壞墻匡旋從古轍成深谷
幾見金輿過上陽洛水送年催代謝嵩山擎日拂穹蒼

殊時異世爲儒者不見文皇與武皇

山陰故事

坦腹夫君不可逢千年猶在播英風紅鵝化鶴青天遠
綵筆成龍綠水空愛竹只應憐直節書裙多是爲奇童
吹笙縱嶺登山後東注清流豈有窮

溫陵即事

早年師友教為文賣却漁舟網典墳國有安危期日諫
家無擔石暫從軍非才豈合攀丹桂多病猶堪伴白雲

爭得千鍾季孫粟滄洲歸與故人分

溫陵殘臘書懷寄崔尚書

濟川無楫擬何為三傑還從漢祖推心學庭槐空發火
鬢同門柳即垂絲中興未遇先懷策除夜相催也課書
江上年年接君子一杯春酒一杯葵

義通里寓居即事

家住寒梅翠嶺東長安時節詠途窮牡丹窠小春餘雨
楊柳絲疎夏足風愁鬢已還年紀白衰容寧藉酒杯紅

長卿甚有凌雲作誰與清吟達帝宮

上陽宮詞

點點苔錢上玉墀日斜空望六龍西妝臺塵暗青鸞掩
宮樹月明黃鳥啼庭草可憐分雨露君恩深恨隔雲泥
銀蟾借與金波路得入重輪伴羿妻

西塞寓居

閒讀南華對酒杯醉攜筇竹畫蒼苔豪門有利人爭去
陋巷無權客不來解報可能醫病雀重燃誰肯照寒灰

嚴陵萬古清風在好櫂東溪詠釣臺

功智爭馳澹薄空猶懷忠信擬何從鷗鳶啄腐疑雛鳳
神鬼欺貧笑伯龍烈日不融雙鬢雪病身全仰竹枝筇
崇侯入輔嚴陵退堪憶啼猿萬仞峯

題福州天王閣

絕境宜棲獨角仙金張到此亦忘還三門裏面千層閣
萬井中心一采山江拗碧灣盤洞府石排青壁護禪關
有時海上看明月輾出冰輪夢浪間

憶薦福寺南院

憶昔長安落第春
佛宮南院獨遊
頻燈前不動惟金像
壁上曾題盡古人
鶗鴂聲中雙闌雨
牡丹花際六街塵
啼猿溪上將歸去
合問昇平詣秉鉤

塔院小屋四壁皆是卿相題名因成四韻

雁塔攬空映九衢
每看華宇每踟蹰
題名盡是台衡迹
滿壁堪為宰輔圖
鸞鳳豈巢荆棘樹
虬龍多蟄帝王都
誰知遠客思歸夢
夜夜無船自過湖

題名琉璃院

今改名景祥院詩與翁承贊景祥院相同

一條溪遶翠岩隈行脚僧言勝五臺

一本作一條溪碧
繞崔嵬卸俗偏宜

隈向此農罷樹陰黃犢卧齋時山下白衣來松因住日門

人種路是前生長老

一作朝釋子

開三卷貝多金粟語可能

長誦免輪迴

寺中偶題

聽詰金仙眉

一作白

相毫每來皆得解塵勞鶴棲雲路看

方貴僧倚松門見始高名利罷燒心內火雪霜偏垢鬢

邊毛銀蟾未出金烏在更上層樓眺海濤

山寺

一作中

寓居

高臥東林最上方水聲山翠別愁腸白雲送雨籠僧閣
黃葉隨風入客堂終去四明成大道暫從雙鬢許秋霜
披緇學佛應無分鶴筆談空亦不妨

寄僧寓題

佛頂抄經憶惠休衆人皆謂我悠悠浮生真箇醉中夢
閒事莫添身外愁百歲付于花暗落四時隨却水奔流

安眠靜笑思何報日夜焚修祝郡侯

游靈隱天竺二寺

丹井冷泉虛易到兩山真界實難名石和雲霧蓮華氣
月過樓臺桂子清騰踏回橋巡像設羅穿曲洞出龍城
更憐童子呼猿去颯颯蕭蕭下樹行

醉題邑宰南塘屋壁

萬古清淮照遠天黃河濁浪不相關縣留東道三千客
宅鎖南塘一片山草色淨經秋雨綠燒痕寒入曉窗班

閩王美錦求賢製未許陶公解印還

題泗洲塔

十年前事已悠悠旋被鐘聲早暮催
明月似師生又沒白雲如客去還來
煙籠瑞閣僧經靜風打虛窗佛幌開
惟有南邊山色在重重依舊上高臺

東歸題屋壁

塵埃歸去五湖東還是衡門一畝宮
舊業旋從征賦失故人多逐亂離空
因悲盡室如懸磬却擬擣家學轉蓬

見說武王天上夢無情曾與傅岩通

寓題

酒壺棋局似閒人竹笏藍衫老此身託客賣書重得卷
愛山移宅近為鄰鳴蛩閣上風吹病落葉庭中月照貧
見說天池波浪闊也應涓滴濺窮鱗

偶題

聞補亡書見廢興偶然前古也填膺秦宮猶自拜張祿
楚幕不知留范增大道豈全闢歷數雄圖強半屬賢能

燕臺財力知多少誰築黃金到九層

寓題述懷

大道真風早晚還妖訛成俗汙乾坤宣尼既沒蘇張起
鳳鳥不來雞雀喧萬少可能供驥子草多誰復訪蘭孫
堯廷忘却徵元凱天闕重關十二門

將入城靈口道中作

路上長安惟咫尺灞陵西望接秦源依稀日下分天闕
隱映雲邊是國門錦袖膺鷹河北客青桑鳴雉渭南村

高風九萬程途近與報滄洲欲化鯢

新屋

耳順何為土木勤叔孫牆屋有前聞縱然一世如紅葉
猶得十年吟白雲性逸且圖稱野客才難非敢傲明君
清甜數尺沙泉井平與鄰家晝夜分

新葺茆堂

翦竹誅茆就水濱靜中還得保天真只聞神鬼害盈滿
不見古今爭賤貧樹影便為廊廡屋草香權當綺羅茵

階前一片泓澄水借與汀禽活紫鱗

耨水耕山息故林壯圖嘉話負前心素絲鬢上分愁色
絡緯牀頭和苦吟筆研不才當付火方書多誑罷燒金
同年二十八君子遊楚遊秦斷好音

茆亭

鴛瓦虹梁計已疎織茆編竹稱貧居翦平恰似山僧笠
掃靜真同道者廬秋晚捲簾看過雁月明憑檻數跳魚
重門公子應相笑四壁風霜老讀書

客廳

移却松筠致客堂淨泥環堵貯荷香衡茅只要免風雨
藻棁不須高棟梁豐部仲尼明演易作歌五子恨雕牆
燕臺漢閣王侯事青史千年播耿光

詠寫真

寫得衰容似十全閒開僧舍靜時懸瘦于南國從軍日
老却東堂射策年潭底看身寧有異鏡中引影更無偏
借將前輩真儀比未愧金鑾李謫仙

放榜日

喧喧車馬欲朝天人探東堂榜已懸萬里便隨金鸞旛

三台仍借玉連錢

南海相公此時在京蒙借鞍馬人僕

花浮酒影彤霞爛

日照衫光瑞色鮮十二街前樓閣上卷簾誰不看神仙

曲江宴日呈諸同年

鶡鶴驚與鳳皇同忽向中興遇至公金榜連名昇碧落
紫花封勅出瓊宮天知惜日遲遲暮春爲催花簇簇紅
好是慈恩題了望白雲飛盡塔連空

渤海賓貢高元固先輩閩中相訪云本國人寫
得黃斬蛇劍御溝水人生幾何賦家一本無家字皆
以金書列為屏障因而有贈

折桂何年下月中閏山來問我雕蟲肯銷金翠書屏上
誰把芻蕘過日東鄰子昔時遭孔聖繇余往代諷秦宮
嗟嗟大國金門士幾個人能振素風

偶吟

千卷長書萬首詩朝蒸藜藿暮烹葵清時名立難皆我

晚歲途窮亦問誰碧嶺釣歸惟獨笑青山耕徧亦何爲
尋常抖擻懷中策可便降他兩鬢絲

贈表弟黃校書輅

一作較昔居臨溪今居近市入市五里

產破身窮爲學儒我家諸表愛詩書嚴陵雖說臨溪隱
晏子還聞近市居佳句麗偷紅菡萏吟窗冷落白蟾蜍
閒來共話無生理今古悠悠事總虛

輦下贈屯田何員外

封章頻得帝咨嗟報國唯將直破邪身到西山書幾達

官登南省鬢初華厨非寒食還無火薑待重陽擬泛茶

內翰好才兼好古秋來應數到君家

員外與楊老丞翰
林同年恩義最篤

贈月君

山妻字月君伏見文選中顧
彥先亦有贈婦因持此詠

出水蓮花比性靈三生塵夢一時醒神傳尊勝陀羅咒

佛授金剛般若經懿德好書添女誠素容堪畫上銀屏

鳴梭軋軋纖纖手窗戶流光織女星

贈垂光同年

丹桂攀來十七春如今始見茜袍新須知紅杏園中客

終作金鑾殿裏臣逸少家風惟筆札玄成世業是陶鈞
他時黃閣朝元處莫忘同年射策人

贈楊著一作著作

藻麗羨煌冠士林白華榮養有曾參十年去里荆門改
八歲能詩相座吟李廣不侯身漸老子山操賦恨何深
釣魚臺上頻相訪共說長安淚滿襟

贈黃校書先輩璞閒居

馭一作取得驪龍第四珠退依僧寺卜貧居青山入眼不

千祿白髮滿頭猶著書東澗野香添碧沼南園夜雨長
秋疏月明掃石吟詩坐諱却全無儋石儲

尚書榮拜恩命夤疾中輒課惡詩二首以申攀

讚

明公家鑿鳳凰池弱冠封侯四海推富貴有期天授早
關河多難勅來遲昴星人傑當王佐黃石仙翁識帝師
昨日詔書猶漏缺未言商也最能詩

東郊迎入紫泥封此日天仙下九重三五月明臨闕澤

百千人衆看王恭旗傍綠樹遙分影馬蹋浮雲不見蹤
借問乘輶何處客相庭雄幕卷芙蓉

府主僕射王搏生日

昭宗光化三年己未八月獻

熊羆先兆慶垂休天地氤氳瑞氣浮李樹影籠周柱史
昴星光照漢鄼侯數鍾龜鵠千年算律正乾坤八月秋
勲業定應歸鼎鼐生靈豈獨化東甌

獻內翰楊侍郎

窗開青瑣見瑤臺冷拂星辰逼上台丹鳳詔成中使取

白龍杳近聖君來欲言溫樹三緘口間賦宮詞八斗才
莫擬吟雲避榮貴廟堂玉鉉待鹽梅

送劉常侍

懷君何計更留連
忍送文星上碧天
杜預注通三十卷
漢皇枝紹幾千年
言端義信如明月
筆下篇章似湧泉
他日有書隨雁足
東溪無令訪魚船

送盧拾遺歸華山

紫殿諫多防佞口清秋假滿別明君惟憂急詔歸青瑣

不得經時卧白雲千載茯苓攜鶴廝一峯仙掌與僧分
門前舊客期相薦猶望飛書及主文

春末送陳先輩之清源

貧中惟是長年華每羨君行自歎嗟歸日捧持明月寶
去時期刻刺桐花春風避酒多游寺曉騎聽雞早入衙
千乘侯王若相問飛書與報白雲家

上盧三拾遺以言見黜

骨鯁如君道尚存近來人事不須論疾危必厭神明藥

心惑多嫌正直言冷眼靜看真好笑傾懷與說却為冤
因思周廟當時誠金口三絳示後昆

送王校書往清源

南國賢侯待德風長途仍借五花驄
清歌早費驅龍額丹桂曾攀玉兔宮
楊柳堤邊梅雨熟鷓鴣聲裏麥田空
吟詩臺上如相問與說磻溪直釣翁

岳州端午日送人游郴連

五月巴陵值積陰送君千里客于郴北風吹雨黃梅落

西日過湖青草深競渡岸傍人挂錦採芳城上女遺簪

九嶷雲闊蒼梧暗與說重華舊德音

賀清源太守王延郴

築珠宮裏謫神仙一作神仙謫

八載溫陵萬戶閒心地閑于

雲夢澤官資高却太行山姜牙兆寄熊羆內陶侃文成
掌握間應笑清溪舊門吏年年扶病掩柴關

武榮江畔蔭祥雲

一作祥雲蔭

寵拜天人慶郡人五色鶴綾

花上勅九霄龍尾道邊臣英雄達處誰言命富貴來時

自逼身更待春風飛
吉語紫泥分付與陶鈞

病中春日即事寄主人尚書二首

身比秋荷覺漸枯
致君經國墮前圖
層冰照日猶能暖
病骨逢春却未蘇
鏡裏白鬚擣又長
枝頭黃鳥靜還呼
庾樓恩化通神聖
何計能教擲得盧

風拍衰肌久未蠲
破窗頻見月團圓
更無舊日同

一作陳

人問只有多情太守憐
臘內送將三折股
歲陰分與五銖錢
空若假年齡在願捧銅盤爲國賢

寄華山司空侍郎一作表聖二首

金闕爭權競獻功獨逃徵詔卧三峰雞羣未必容於鶴
蛛網何繇捕得龍清論盡應書國史靜籌皆可息邊烽
風霜落滿千林木不近青青澗底松

非雲非鶴不從容誰敢輕量微世蹤紫殿幾徵王佐業
青山未拆詔書封間吟每待秋空月早起長先野寺鐘
前古負材多爲國滿懷經濟欲何從

寄盧端公同年仁烟時遷都洛陽新立幼主

上陽宮闕翠華歸百辟傷心序漢儀崑岳有炎瓊玉碎
洛川無竹鳳皇飢須簪白筆匡明主莫許黃麻一作博爪

少師惆悵宸居遠于日長吁空摘鬢邊絲

寄天台陳希畋

陰山冰凍嘗迎夏蟄戶雲雷只待春呂望豈嫌垂釣老
西施不恨浣沙貧坐爲羽獮車中相飛作君王掌上身
拍手相思惟大笑我曹寧比等閒人

寄兩浙羅書記

進即涇沈退却升錢塘風月過金陵鴻才入貢無人換
白首從軍有詔徵博簿集成時輩罵讒書編就薄徒憎
憐君道在名長在不到慈恩最上層

邑宰相訪翼日有寄

淵明深念郊詵貧踏破莓苔看旣塵碧沼共攀紅菡萏
金鞍不卸紫麒麟殘陽妬害催歸客薄酒甘嘗罰主人
夜半夢醒追復想欲長攀接有何因

白酒兩瓶送崔侍御

雪化霜融好潑醅。滿壺冰凍向春開。求從白石洞中得
攜向百花岩畔來。幾夕露珠寒貝齒。一泓銀水冷瓊杯。

湖邊送與崔夫子誰一作惟見稽山盡日頽

依韻酬常循州

早年花縣拜潘郎。尋忝飛鳴出桂堂。日走登

一作青天長

似箭人同紅樹豈

一作幾

經霜帆分南浦。知離別駕在東

州一作川更可傷公論。一麾將塞詔。且隨徵令過瀟湘

謝主人惠綠酒白魚

早起雀聲送喜頻
白魚芳酒寄來珍
馨香乍揭春風甕
撥刺初辭夜雨津
樽濶最宜澄桂液
網疎殊未損霜鱗
不曾垂釣兼親醞
堪愧金臺醉飽身

欽定四庫全書

卷七百九

御定全唐詩卷七百九



總校官庶吉士臣張能照
校對官庶吉士臣翟槐
謄錄舉人臣丁兆隆

欽定四庫全書叢要

集部

御定全唐詩卷七百十二

詳校官原任主事
臣李斯咏

欽定四庫全書叢要卷一萬八千一百十五

集部

御定全唐詩卷七百十

徐夤

蜀

雖待關張敵萬夫豈勝恩信作良圖能均漢祚三分業
不負荊州六尺孤綠水有魚賢已得青桑如蓋瑞先符
君王幸是中山後建國如何號蜀都

魏

伐罪書勲令不常爭教為帝與為王十年小怨誅桓邵
一檄深讐怨孔璋在井蟄龍如屈伏食槽騎馬忽騰驤
姦雄事過分明見英識空懷許子將

吳

一主參差六十年父兄猶慶授孫權不迎曹操真長策
終謝張昭見碩賢建業龍盤雖可貴武昌魚味亦何偏
秦嬴謾作東遊計紫氣黃旗豈偶然

兩晉

三世深謀啓帝基可憐孀婦與孤兒罪歸成濟皇天恨
戈犯明君萬古悲巴蜀前平輕似紙勾吳吞却美如飴
誰知高鼻能知數競向中原簸戰旗

宋二首

天爵休將擔石論一身恭儉萬邦尊賭將金帶驚寰海
留得耕衣誠子孫締構不應饒漢祖姦雄何足數王敗
草中求活非吾事豈啻橫身向廟門

百萬人甘一擲輸玄穹惟與道相符豈知紫殿新天子

只是丹徒舊晉夫五色龍章身早見六終鴻業數難逾
三年未得分明夢却為蘭陵起霸圖

陳

三惑昏昏中紫宸萬幾拋却醉臨春書中不禮隋文帝
井底常攜張貴嬪玉樹歌聲移入哭金陵天子化為臣
兵戈半渡前江水狎客猶聞爭酒巡

讀史

亞父淒涼別楚營天留三傑翼龍爭高才無主不能用

直道有時方始平。喜慍子文何穎悟。卷藏遠。瑗甚分明。
須知飲啄繇天命。休問黃河早晚清。

漢宮新寵

位在嬪妃最上頭。笑他長信女悲秋。日中月滿可能久。
花落色衰殊未憂。公主鏡中爭翠羽。君王袖底奪金鉤。
妾家兄弟知多少。恰要同時拜列侯。

開元即事

曲江真宰國中訛。尋秦漁陽忽荷戈。堂上有兵天不用。

幄中無策印空多

楊國忠時兼諸使館十二印一本作課印

三塵駿騎透潼

關鎖雲護龍遊渭水波未必蛾眉能破國千秋休恨馬

嵬坡

李翰林

謫下三清列八仙獲調羨鼎侍龍顏吟開鎖闥窺天近
醉卧金鑾待詔閒舊隱不歸劉備國旅魂長寄謝公山
遺編往簡應飛去散入祥雲瑞日間

聞長安庚子歲事

羽檄交馳觸冕旒函關飛入鐵兜鍪君王去國未為恨
寰海失君方是憂五色大雲凝蜀郡幾般妖氣撲神州
唐堯縱禪乾坤位不是重華莫謾求

公子行

十五轅門學控弦六街騎馬去如煙金多倍著牡丹價
髮白未知章甫賢有耳不聞經國事拜官方買謝恩箋
相如謾說凌雲賦四壁何曾有一錢

依韻贈嚴司直

曾轉雙蓬到玉京宣尼恩奏樂卿名歌殘白石扣牛角
賦換黃金愛馬卿滄海二隅身漸老太行千疊路難行
夫君才大官何小堪恨人間事不平

傷前翰林楊左丞

一本有贊圖二字

飛上鰲頭侍玉皇三台遺耀換餘光人間搃管窮蒼頡
地下修文待卜商真魄肯隨金石化真風留伴蕙蘭香
皇天未啟昇平運不使伊皋相禹湯

日月無情

日月無情也有情朝昇夕沒照均平雖催前代英雄死
還促後來賢聖生三尺靈烏金借耀一輪飛鏡水饒清
憑誰築斷東溟路龍影蟾光免運行

新月

雲際娟嬋出又藏美人腸斷拜金方姮娥一隻眉先掃
織女三分鏡未光珠箔寄鈎懸杳靄白龍遺爪印穹蒼
更期十五圓明夜與破陰霾照八荒

和尚書詠煙

無根無蒂結還融曾觸嵐光徹底空不敢幾知離畢雨
欲飛須待落花風玲瓏薄展鮫綃片幕歷輕含鳳竹叢
瓊什捧來思舊隱撲窗穿戶曉溟漾

宮鶯

領得春光在帝家早從深谷出煙霞閒棲仙禁日邊柳
飢啄御園天上花覘覘只宜陪閣鳳間關多是問宮娃
可憐鸚鵡矜言語長閉雕籠歲月賒

鬢髮

鬢添華髮數莖新羅雀門前絕故人減食爲緣疎五味
不眠非是守庚申深園竹綠齊抽笋古木蛇青自脫鱗
天地有鑪長鑄物濁泥遺塊待陶鈞

春入鯉湖

到來峭壁白雲齊載酒春遊渡九溪鐵嶂有樓靈欲墮
石門無鎖路還迷湖頭鯉去轟雷在樹杪猿啼落日低
回首浮生真幻夢何如斯地傍幽棲

雙鷺

雙鷺雕籠昨夜開
月明飛出立庭隈
但教綠水池塘在
自有碧天鴻雁來
清韻叫霜歸島樹
素翎遺雪落漁臺
何人為我追尋得
重勸溪翁酒一杯

鷓鴣

繡僕梅魚翼全楚
雞非瑞莫爭先啼
歸明月落邊樹
飛入百花深處煙
避燒幾曾遺遠岫
引離時見飲晴川
荔枝初熟無人際
啄破紅苞墜野田

鷹

害物傷生性豈馴且宜籠罩待知人惟擒燕雀啗腥血
却笑鸞皇啄翠筠狡兔穴多非爾識鳴鳩脰短罰君身
豪門不讀詩書者走馬平原放翫頻

蝴蝶二首

縹渺青蟲脫殼微不堪煙重雨霏霏一枝穠豔留教住
幾處春風借與飛防患每憂雞雀口憐香偏遠綺羅衣
無情豈解關魂夢莫信莊周說是非

拂綠穿紅麗日長一生心事住春光最嫌神女來行雨

愛伴西施去採香風定只應攢藥粉夜寒長是宿花房
鳴蟬性分殊迂闊空解三秋噪夕陽

郡侯坐上觀琉璃瓶中遊魚

寶器一泓銀漢水錦鱗纔動即先知似涌明月波寧隔
欲上輕冰律未移薄霧罩來分咫尺碧綃籠處較毫釐
文翁未得沈香餌擬置金盤召左慈

翦羽刀

寶持多角繡為囊雙日一作目交加兩鬢霜金匣掠平花

翡翠綠窗裁破錦鴛鴦初裁連理枝猶短誤綰同心帶
不長欲製綻袍先把看質非紈綺愧結鉢

紙被

文采鴛鴦罷合觀細柔輕綵好魚牋一牀明月蓋歸夢
數尺白雲籠冷眠披對勁風溫勝酒擁聽寒雨暖于綿
赤眉豪客見皆笑却問儒生直幾錢

紙帳

幾笑文園四壁空避寒深入剡藤中誤懸謝守澄江練

自宿嫦娥白兔宮幾疊玉山開洞壑半巖春霧結房櫳
針羅截錦饒君侈爭及蒙茸煖避風

貢餘秘色茶盞

振翠融青瑞色新陶成先得貢吾君巧刻明月染春水
輕旋薄氷盛綠雲古鏡破苔當席上嫩荷滴露別江漬
中山竹葉醅初發多病那堪中十分

筍鞭

筠竹岩邊剔翠苔錦江波冷洗瓊瑰累累節轉蒼龍骨

寸寸珠聯巨蚌胎須向廣場驅駢駿莫從閒處撻駕台
寧同晉帝環營日拋賺中途後騎來

詠簾

素節輕盈珠影勻何人巧思間成文閒垂別殿風應度
半掩行宮麝欲薰繡戶遠籠寒焰重玉樓高挂曙光分
無情幾恨黃昏月纔到如鈎便墮雲

詠燈

分影繇來恨不同綠窗孤館兩何窮熒煌短焰長疑暗

零落殘花旋委空幾處隔簾愁夜雨誰家當戶怯秋風
莫言明滅無多事曾比人生一世中

詠扇

為發涼飈滿玉堂每親襟袖便難忘霜濃雪暗知何在
道契時來忽自揚曾伴一樽臨小檻幾遮殘日過回廊
漢宮如有秋風起誰信班姬淚數行

詠筆二首

秦代將軍欲建功截龍搜兔助英雄用多誰念毛皆拔

拋却更嫌心不中史氏只應歸道直江淹何獨偶靈通
班超握管不成事投擲翻從萬里戎

君子三歸擅一名秋毫雖細握非輕軍書羽檄教誰錄
帝命王言待我成勢健豈饒淝水陣鋒鈍還學歷山耕
毛乾時有何人潤盡把燒焚恨始平

詠錢

多蓄多藏豈足論有誰還議濟王孫能於既處翻為福
解向讐家買得恩幾怪鄧通難免餓須知夷甫不曾言

朝爭暮競歸何處盡入權門與倖門

尚書筵中詠紅手帕

鶼綉三尺曉霞濃送與東家二八容羅帶繡裙輕好繫
藕絲紅縷細初縫別來拭淚遮桃臉行去包香墮粉胸
無事把將纏皓腕為君池上折芙蓉

尚書新造花箋

濃染紅桃二月花只宜神筆縱龍蛇淺澄秋水看雲母
碎璧輕苔間粉霞寫賦好追陳后寵題詩堪送寶滔家

使君即入金鑾殿夜直無非草白麻

釣車

荻灣漁客巧妝成磑鑄銀星一點輕拋過碧江鷓鴣岸
軋殘金井轆轤聲軸磨辟角冰光滑輪卷春絲水面平
把向嚴灘尋轍迹漁臺基在輶難傾

柳

漠漠金條引線微年年先一作光翠報春歸解籠飛靄延
芳景不逐亂花飄夕暉啼鳥噪蟬堪悵望舞煙搖水自

因依五株名顯陶家後見說辭榮種者稀

愁

夜長偏覺漏聲遲往往隨歌慘翠眉黃葉落催砧杵日
子規啼破夢魂時明妃去泣千行淚蔡琰歸梳兩鬢絲
四皓入山招不得無家歸客最堪欺

草

廢苑荒墮伴綠苔恩疎長信恨難開姑蘇麋鹿食一作

思食楚澤王孫來一作不來色嫩似將藍汁染葉齊如

把翦刀裁燕昭沒後多卿士千載流芳郭隗臺

螢

月墜西樓夜影空透簾穿幕達房櫳流光堪在珠璣列
爲火不生榆柳中一一照通黃卷字輕輕化出綠蕪叢
欲知應候何時節六月初迎大暑風

水

火性何如水性柔西來東出幾時休莫言通海能通漢
雖解浮舟也覆舟湘浦暮沈堯女怨汾河秋泛漢皇愁

洪波激湍歸何處二月桃花滿眼流

苔

印留麋鹿野禽蹤岩壁漁磯幾處逢金谷曉凝花影重
章華春映柳陰濃石橋羽客遺前迹陳閣才人沒舊容
歸去掃除階砌下蘚痕殘綠一重重

曉

水盡銅龍滴漸微景陽鍾動夢魂飛潼闕雞唱促歸騎
金殿燭殘求御衣窗下寒機猶自織梁間棲燕欲雙飛

義和晴簾扶桑轡借與寰瀛看早暉

別

酒盡歌終問後期泛萍浮梗不勝悲東門足馬夜歸處
南浦片帆飛去時賦罷江淹吟更苦詩成蘇武思何遲
可憐范陸分襟後空折梅花寄所思

夜

日墜虞淵燭影開沈沈煙霧壓浮埃荆川雪滿子猷去
漢殿月生王母來簷挂蛛絲應漸織風吹螢火不成灰

愁人莫道何時旦自有鐘鳴漏滴催

雨

引電隨龍密又輕酒杯閒喫得嘉名千山草木如雲暗
陸地波瀾接海平灑竹幾添春睡重滴簷偏遣夜愁生
陰妖冷孽成何怪敢蔽高天日月明

萍

爲實隨流瑞色新泛風繁草護遊鱗密行碧水澄涵月
滋滯輕橈去採蘋比物何名腰下劍無根堪並鏡中身

平湖春滿知何限撥破閒投獨蘿綸

恨

事與時違不自繇如燒如刺寸心頭烏江項籍忍歸去
雁塞李陵長繫留燕國飛霜將破夏漢宮紈扇豈禁秋
須知入骨難銷處莫比人間取次愁

鴻

行如兄弟影連空春去秋來燕不同紫塞別當秋露白
碧山飛入暮霞紅宣王德美周詩內蘇武書傳漢苑中

况解銜蘆避弓箭一聲歸暖楚天風

鶴

閨苑瑤臺歲月長一歸華表好增傷新聲乍警初零露
折羽閒飛幾片霜要伴神仙歸碧落豈隨龜雁住方一作

往西塘三山頂上無人處瓊樹堪巢不死鄉

鵠

神化難源瑞印開雕陵毛羽出塵埃香閨報喜行人至
碧漢填河織女回明月解隨烏繞樹青銅寧愧雀為臺

瓊枝翠葉庭前植從待翩翩去又來

霜

應節誰窮造化端菊黃豺祭問應難紅窗透出鴛衾冷
白草飛時雁塞寒露結芝蘭瓊屑厚日乾葵藿粉痕殘
世間無比催搖落松竹何人肯更看

風

城上寒來思莫窮土囊萍末兩難同飄成遠浪江湖際
吹起暮塵京洛中飛雪蕭條殘臘節落花狼藉古行宮

春能和煦秋搖落生殺還同造化功

帆

宦勞孤棹送行舟輕過天涯勢未休斷岸曉看殘月挂
遠灣寒背夕陽收川平直可追飛箭風健還能泝急流
幸遇濟川恩不淺北溟東海更何愁

夢

月落燈前閉北堂神魂交入杳冥鄉文通毫管醒來異
武帝衡蕪覺後香傳說已徵賢可輔周公不見恨何長

生松十八年方應通塞人間豈合忙

東

紫氣天元出故關大明先照九垓間
鰐鱠江邊齊掾還青帝郊壇平似砥
主人階級峻如山
蟠桃樹在煙濤水解凍風高未得攀

西

密雲郊外已回秋日下崦嵫景懶收
秦帝城高堅似鐵
李斯書上曲如鉤寧惟東岳凌天秀
更有長庚瞰曙流

見說山傍偏出將大戎降盡復何愁

南

罩罩嘉魚憶此方送君前浦恨難量火山遠照蒼梧郡
銅柱高標碧海鄉陸賈幾時來越島三間何日濯滄浪
鐘儀冠帶歸心阻蝴蝶飛園萬草芳

北

第五句
缺三字

雪滿胡天日影微李君降虜失良時窮溟駕浪鷗鵬化
極海寄書鴻雁遲來猶未啟殘兵奔去杳難追

可憐燕谷花開晚
鄒律如何為一吹

雲

漠漠沈沈向夕暉
蒼梧巫峽兩相依
天心白日休空蔽
海上故山應自歸
似蓋好臨千乘載
如羅堪翦六銖衣
為霖須救蒼生旱
莫向西郊作雨稀

燕

從待銜泥濺客衣
百禽靈性比他稀
何嫌何恨秋須去
無約無期春自歸
鴟鴞不容應不怪
棟梁相庇願相依

吳王宮女嬌相龍衣合整雙毛預奮飛

蟬

寒鳴寧與衆蟲同翼鬚綺冠豈道窮殼蛻已從今日化
聲愁何似去年中朝催籬菊花開露暮促庭槐葉墜風
從此最能驚賦客計居何處轉飛蓬

露

鶴鳴先警雁來天洗竹沾花處處鮮散綵幾當蟬飲際
凝光宜對蚌胎前朝垂苑草煙猶重夜滴宮槐月正圓

怵惕與霜同降日蘋蘩思薦獨淒然

霞

天際何人濯錦歸偏宜殘照與晨暉流為洞府千年酒
化作靈山幾襲衣野燒談連殊赫奕愁雲陰隔乍依稀
勞生願學長生術冷盡紅桃上漢飛

蒲

濯秀盤根在碧流紫茵含露向晴抽編為細履隨君步
織作輕帆送客愁疎葉稍為投餌釣密叢還礙採蓮舟

鴛鴦瀨鶼多情甚日日雙雙遠傍游

泉

非鑿非疏出洞門源深流嶮合還分高成瀑布漱逋客
清入御溝朝聖君迸滴幾山穿破石迅飛層嶠噴開雲
舊齋一帶連松竹明月窗前枕上聞

煙

燎野焚林見所從惹空橫水展形容能滋甘雨隨車潤
不並行雲逐夢蹤晴鳥迴籠嘉樹薄春亭嬌幕好花濃

有時片片風吹去海碧山清過幾重

閒

不管人間是與非白雲流水自相依一瓢挂樹傲時代
五柳種門吟落暉江上翠娥遺佩去岸邊紅袖採蓮歸
客星辭得漢光武却坐東江舊蘚磯

忙

雙競龍舟疾似風一星球子兩明

一作朋

同平吳破蜀三

除裏滅楚固秦百戰中春近杜鵑啼不斷寒催歸雁去

何窮兵還失路旌旗亂驚起紅塵似轉蓬

淚

發事牽情不自繇偶然惆悵即難收已聞抱玉沾衣濕
見說迷途滿目流滴盡綺筵紅燭暗墜殘妝閣曉花羞
世間何處偏留得萬點分明湘水頭

月

碧落誰分造化權結霜凝雪作蟬娟寒蟬一作蟾若不開
三穴狡兔何從上九天莫見圓明處遠須看灣曲鑒

時偏郊詠樹老堯蓂換惆悵今年似去年

御定全唐詩卷七百十

欽定四庫全書
欽定全唐詩卷一萬八千一百十六

集部

御定全唐詩卷七百十一

徐夤

依御史

一 本無御
史二字

溫飛卿華清宮二十二韻

地靈蒸水暖天氣待宸遊
嶽拱蓮花秀峰高玉藥秋朝
元雕翠閣乞巧繡瓊樓碧海供驪嶺黃金絡馬頭五王
更入帳七貴迭封侯夕雨鳴鶯瓦朝陽煜柘裘伊臯爭
負鼎舜禹讓垂旒墮珥閒應拾遺釵醉不收飛煙籠劍

戟殘月照旌旗履朔求衣早臨陽解佩羞宮詞裁錦段
御筆落銀鉤帝里新豐縣長安舊雍州雪衣傳貝葉蟬
鬢插山榴對景瞻瑤兔昇天駕綵虬丹書陳北虜玄甲
擐犀牛聖誥多屯否生靈少怨尤穹旻當有輔帷幄豈
無籌鳳能傷紅豔鸞輿緩紫駟樹名端正在人欲夢魂
休識語山旁鬼塵銷隴畔丘重來芳草恨往事落花愁
五十年鴻業東憑渭水流

尚書命題瓦硯

遠向端溪得皆因郢匠成鑿山青靄斷琢石紫花輕散
墨松香起濡毫藻句清入臺知價重著匣恐塵生守黑
還全器臨池早著名春闈攜就處軍幙載將行不獨雄
文陣兼能助筆耕莫嫌涓滴潤深染古今情洗處無瑕
玷添時識滿盈蘭亭如見用敲戛有金聲

東風解凍省試

暖氣飄蘋末凍痕銷水中扇冰初覺泮吹海旋成空入
律三春照朝宗萬里通岸分天影濶色照日光融波起

輕搖綠鱗遊乍躍紅殷勤排弱羽飛翥趁和風

和僕射二十四丈牡丹八韻

帝王城裏看無故亦無新忍摘都緣借移栽未有因光
陰嫌太促開落一何頻羞殺登墻女饒將解佩人葉堪
靈鳳啄香許白龍親素練籠霞曉紅妝帶臉春莫辭終
夕醉易老少年身買取歸天上寧教逐世塵

釣絲竹

箇箇拂清流堪維艤舟野蟲懸作餌溪月曲為鉤雨

潤搖階長風吹繞指柔若將諸樹比還使綠楊羞蠶婦
非堯女漁人是子猷湖邊舊我處長映讀書樓

尚書會仙亭詠薔薇寅坐中聯四韻晚歸補緝
所聯因成一篇

結綠根株翡翠莖句芒中夜刺猩猩景陽妝赴嚴鐘出
楚峽神教暮雨晴躑躅豈能同日語玫瑰方可一時呈
風吹嫩帶香芍展露灑啼思淚點輕阿母藥宮期索去
昭君榆塞闕齋行慕高恐礙銜泥燕架隱宜棲報曙鶯

翻日只憂燒密葉映階疑欲讓雙旌含煙散纈佳人惜
落地遺鉢少妓爭丹渥不因輸繡段錢圓誰把買花聲
海棠若要分流品秋菊春蘭兩恰平

和尚書詠泉山瀑布十二韻

名齊火浣溢山椒誰把驚虹挂一條天外倚來秋水怒
海心飛上白龍綃民田鑿斷雲根引僧圃穿通竹影澆
噴石似煙輕漠漠濺崖如雨冷瀟瀟水中蠶緒纏蒼壁
日裏虹精挂絳霄寒漱綠陰仙桂老碎流紅豔野桃天

千尋練寫長年在六出花開夏日消急恐劃分青嶂骨
久應裯裂翠微腰濯纓便可譏漁父洗耳還宜傲帝堯
林際猿猱偏得飯岸邊烏鵲擬為橋赤城未到詩先寄
廬阜曾遊夢已遙數夜積霖聲更遠郡樓欹枕聽良宵

自詠十韻

只合滄洲釣與耕忽依螢燭愧功成未遊宦路叨卑宦
纔到名場得大名梁苑二年陪衆客溫陵十載佐雙旌
錢財盡是侯王惠骨肉偕承里巷榮拙賦偏聞鐫印賣

惡詩親見畫圖呈

使宅行賓回文八體詩圓兩面庚午
秋使樓赴宴親見每一倒翻讀八韻

也多栽桃李期春色濶鑿池塘許月明寒益輕裯饒美

寢出乘車馬免徒行麤支菽粟防飢歎薄有格盤備送

迎僧俗共鄰棲隱樂妻孥同愛水雲清如今便死還甘

分莫更嫌他白髮生

鏡中覽懷

一本無懷字一
作覽鏡書懷

晨起梳頭忽自悲鏡中親見數莖絲從今休說龍泉劍
世上恩讐報已遲

楚國史

六國商於恨最多良弓休繰劍休磨君王不前翦如簧舌
再得張儀欲柰何

張儀

荆楚南來又北歸分明舌在不應違懷王本是無心者
籠得蒼蠅却放飛

薔薇

朝露灑時如濯錦晚風飄處似遺鈿重門刺著黃金鎖

莫被飛瓊摘上天

大夫松

五樹旌封許歲寒、挽柯攀葉也無端爭如澗底凌霜節

不受秦皇亂世

一作號此官

杏園

杏苑簫聲好醉鄉春風嘉宴更無雙憑誰為謳穆天子
莫把瑤池並曲江

蕉葉

綠綺新裁織女機
擺風搖日影離披
只應青帝行春罷
閒倚東牆卓翠旗

路旁草

楚甸秦原萬里平
誰教根向路傍生
輕蹄繡轂長相蹋
合是榮時不得榮

讀漢紀

豁開胸臆一時吞
布衣空手取中原
勁卒雄師不足論
楚國八千秦百萬

李夫人二首

不望金輿到錦帷人間樂極即須悲若言要識愁中貌
也似君恩日日衰

招得香魂爵少翁九華燈燭曉還空漢王一作皇不及吳
王樂且與西施死處同

明妃

不用牽心恨畫工帝家無策及邊戎香魂若得昇明月
夜夜還應照漢宮

馬嵬

二一作三百年來事遠聞從龍誰一作唯解盡如雲張均兄

弟皆何在却是楊妃死報君

依韻贈南安方處士五首

七貴五侯生肯退利塵名網死當拋黔婁寂莫嚴陵卧
借問何人與結交

休把羸蹄蹋雪霜書成何處獻君王嵩山好與浮丘約

三十六峯雲外鄉

百萬僧中一作衆不為僧比君知道僅誰能無家寄泊南

安縣六月門前也似冰

兩鬢當春却似秋僻居誇近野僧樓落花明月皆臨水
明月不流花自流

晉楚忙忙起戰塵龔黃門外有高人一畦雲薤三株竹
席上先生未是貧

依韻答黃校書

慈恩雁塔參差榜杏苑鶯花次第遊白日有愁猶可散

青山高卧況無愁

傷進士謝庭皓

大順中以詞賦著名與黃不相上下時號錦繡帷

獻書猶未達明君何事先遊岱岳雲惟有春風護冤魄

與生青草蓋孤墳

聞司空侍郎訃音

園綺生雖逢漢室巢由死不謁堯階

八徵不起

夫君歿去何

人葬合取夷齊隱處埋

偶題二首

買骨須求驥驥骨愛毛宜採鳳皇毛駕駘燕雀堪何用

仍向人前價例

一作數高

賦就長安振大名斬蛇功與樂天爭歸來延壽溪頭坐
終日無人問一聲

猿

宿有喬林飲有溪生來蹤跡遠塵泥不知心更愁何事
每向深山夜夜啼

追和賈浪仙古鏡

誰開黃帝橋
山冢明月飛
光出九泉狼藉
蘚痕磨不盡
黑雲殘點汙秋天

蝴蝶三首

不並難飛
蠶裏蛾有花芳處定一作即 經過天風相送輕
飄去却笑蜘蛛謾織羅

苒苒雙雙拂畫欄
佳人偷妝一作眼再三看
莫欺翼短飛

長近試就花間撲一作捉已一作也難

栩栩無因繫得他
野園荒徑一何多
不聞絲竹誰教舞

應仗一作伏流鶯為唱歌

新刺襪

素手春溪罷浣紗巧裁明月半彎斜齊宮合贈東昏寵
好步黃金萬茜花

寄華山司空侍郎

山掌林中第一人鶴書時或問眠雲莫言疎野全無事
明月清風肯放君

初夏戲題

長養薰風拂曉吹漸開荷芰落薔薇
青蟲也學莊周夢化作南園蛱蝶飛

御定全唐詩卷七百十一

欽定四庫全書
欽定全唐詩卷一百十七

集部

御定全唐詩卷七百十二

錢珝

錢珝字瑞文，吏部尚書徽之子。善文詞，宰相王溥薦知制誥，進中書舍人。後貶撫州司馬。有舟中錄二十卷，今編詩一卷。

客舍寓懷

灑灑灘聲晚，霽時客亭風。
袖半披垂野，雲行止誰相待。

明月襟懷祇自知無伴偶吟溪上路有花偷笑臘前枝
牽情景物潛惆悵忽似傷春遠別離

送王郎中

惜別遠相送却成惆悵多獨歸回首處爭那暮山何

江行無題一百首

統載云舊作錢起詩今考詩繫遷途中雜詠起無謫宦

事而珝自中書謫撫州其舟中集序云秋八月從襄陽浮江而行詩中峴山汎武昌匡廬鄱湖潯陽諸地經途所歷一一暗合而秋半九日尤為左驗其為珝詩無疑蔡寬夫詩話云江行百首錢蒙仲得之他本因以傳世元非起集之舊宋人語更可據今與起集並存

傾酒向連漪乘流欲去時寸心同尺璧投此報馮夷

江曲全繁楚雲飛半自秦峴山回首望如別故鄉

一作
闢

人往年累
登峴亭

浦煙舍

函一作

夜色

一作寒
夜永

冷日轉秋旻自有沈碑在

一作
作

石清光不照人

楚峩雲空合楚城人不來祇今誰善舞莫恨廢章

一作
陽

臺

行背青山郭吟當白露秋風流無屈宋空詠古荊州

晚來漁父喜網

一作罟

重欲收遲恐有長江使金錢願贖

龜

去指龍沙路徒懸象闕

一作魏

心夜涼無遠夢不為偶聞

砧

霧雲疎有葉雨浪細無花

一作聲

穩放扁舟去江天自有

涯

一作程

好日當

一作長

秋半層波動旅腸已行千里外誰與共秋

光

潤色非東里官曹更一作吏建章宦遊難自定來喚櫂船

郎

夜江清未曉徒惜月光一作先沉不是因行樂堪傷老大

心

翳日多多喬木維舟取束薪靜聽江叟語盡一作俱是厭兵

人

箭漏日初短汀煙草未

一作木

衰雨餘一作微

雖更綠不是

採蘋時

山雨水

一作

夜來漲喜魚

一作

跳滿江岸沙平欲盡垂蓑

入船窗

諸邊新鴈下舟上獨淒涼俱是南來客憐君緩一行

雲密連江暗風斜著物鳴一杯真戰將笑爾作愁兵

柳拂斜開

一作陽

路籬邊數戶村可能還有意不掩向江

門

不識相如

一作桓

渴徒吟子美詩江清惟獨看心外更

一作

有誰知

牽路沿一作緣江狹沙崩岝不平盡知行處險誰肯載時

輕

憔悴異靈均非讒作逐臣如逢漁父問未是獨醒人

水含秋夜靜雲帶夕陽高詩癖非吾病何妨吮短豪

帶一作登

舟維一作非

古峴還似阻西陵箕伯無多怒回頭

詎不能

秋雲久無雨江燕社猶飛却笑舟中客今年未得歸
帆翅初張處雲鷗怒翼同莫愁千里路自有到來風

佳節雖逢菊浮生正似是一作萍故山何處望荒岝小長亭

月下江流靜村荒人語稀鶩鴛雖有伴仍一作乃共影雙飛

斗轉月未落舟行夜已深有村知不遠風便數聲砧
櫂驚沙鳥迅飛濺夕陽波不顧魚多處應防一日羅
行到楚江岸蒼茫人正迷祇如秦塞遠格磔鷗鷺啼
漸覺江天遠難逢故國書可能無往事空食鼎中魚

岐草連荒色村聲樂稔年晚晴貪一作初獲稻間却採菱

一作船

蓮

灘淺多爭遊鷺江清易見魚怪來吟未足秋物欠紅

蕖

蛩響依沙草螢飛透水煙夜涼誰詠史空泊運租船

睡穩葉舟輕風微浪不驚人居一作任君蘆葦岸終夜動秋

聲

自念

一作守

平生意曾期一郡符可

一作豈

知因謫宦斑鬢

入江湖

水天涼夜月不是少

一作惜

清光好景

一作物

隨人物

一作祕

秦淮憶建康

古來多思客搖落恨江潭今日秋風至蕭疎過

一作獨

河

南

映竹疑村好穿蘆覺渚幽漸安無曠土薑芋當農收

煙渚復煙渚畫屏休

一作還

畫屏引愁天末去數點暮山

青

秋風動客心寂寂不成吟飛上危檣立鶯啼報好音

一作

啼鳥不

知音

見底高秋水開懷萬里天旅吟還有伴沙柳數枝蟬
九日自佳節扁舟無一杯曹園舊罇酒戲馬憶高臺
兵火有餘燼貧村纔數家無人爭曉渡殘月下寒沙
渚禽菱芡足不向稻梁爭靜宿涼灣月應無失侶聲

輕雲未撲一作霜樹杪橘初黃行一作信是知名物因風

過水香

土曠深耕少江平遠釣多平生皆棄本金草竟如何
海月非常物等閒不可尋披沙應有地淺處定無金

風晚冷颼颼蘆花已白頭舊來紅葉寺堪憶玉京秋

渺渺望天涯清漣浸赤霞難逢星漢使烏鵲日乘槎

風好來無陣雲開一作去有踪釣歌無遠近應喜罷艤

艤

吳疆連楚甸楚俗異吳鄉謾把罇中物無人啄蟹黃一作

匡

嶧綠野煙遠江紅斜照微撐開小漁艇應到月明歸

雨餘江始漲漾漾見流薪曾歎河

一作溝

中木斯言憶古

人

垂露

一作墜露晚猶濃一作露墜日猶紅

清

一作秋

風

一作花

不易逢涉

江雖已晚高樹寥

攀一作

芙蓉

乘

一作葉

舟維夏口煙野獨行時不見頭陀寺空懷幼婦

碑

晚泊武昌嶧津亭疎柳風數株曾手植好事憶陶公

舟航依浦定星斗滿江寒若比

一作陰靈日何妨一作方

夜未闌

近戍離金落孤岑望火門惟將知命意瀟灑向乾坤

叢菊生隄上此花長後時有人還採掇何必在

一作及春

期

景夕一作夕景殘霞落秋寒細雨晴短纓何用濯舟在月中

行

堤

一作眼

壞漏一作滿

江水地均成野塘晚荷人不折留取

一
此
一作
作秋香

左失
一作
宦終何路撫懷亦自寬
擣牋朝白鷺無意喻梟

鸞

樓空人不歸雲自去時衣黃鶴無心下長應笑令威

曰帝朝驚浪陽臺暮映雲等閒生險易世路祇如君

櫓
一作
蘆慢生輕浪帆虛帶白雲客船雖狹小容得瘦

庾將軍
晉冠軍將軍柳遐免官桓溫怪其瘦答云不能不恨于破靴

靜看秋江水風微浪漸平人間馳競處塵土自波成

風借一作勁 帆方疾風回樞却遲較量人世事不校一毫

釐

咫尺愁風雨匡廬不可登祇疑雲一作香 霧窟猶有六朝

僧

江草何多思冬青尚滿洲誰能驚鵬鳥作賦為沙鷗
幸有煙波興寧辭筆硯勞緣情無怨刺却似反離騷

沙上獨行時高吟一作吟情到楚詞難將垂峩蓼盈一作應 把

當江蘿

秋寒鷹隼健逐雀下雲空知是江湖客

一作潤

無心擊塞

鴻

幽懷念煙水長恨隔龍沙今日滕王閣分明見落霞

江流何渺渺懷古獨依依漁父非賢者蘆中但有磯

風雨正甘寢雲霓忽曉晴放歌雖一作須自遣一歲又崢

嵘

幽思正遲遲沙邊濯弄時自憐非博物猶未識鳬葵
曾有煙波客能歌西塞山落花惟待月一釣紫菱灣

千頃水紋細一拳嵐影孤君山寒樹綠曾過洞庭湖

光潤重湖水低斜達鴈行未曾無興詠多謝沈東陽

晚菊繞江壘忽如開古屏莫言時節過白日有餘馨

日落長亭晚山門步障青可憐無酒分處處一作更祝有旗

亭一作星

達峽無行樹經霜有伴

一作半

紅停船搜

一作披

好句題葉

贈江楓

身世比行舟無風亦暫休敢言終破浪惟願穩乘流

數畝蒼苔石煙濛鶴卵洲定因詞客遇

一作過

名字始風

流

興閑停桂楫路好過松門不負佳山水還開酒一樽
短楫休敲桂孤根自駐萍自憐非劔氣空向斗牛星
高浪如銀屋江風一發時筆端降太白才大語終奇
細竹漁家路晴陽看結脣喜來邀客坐分與折腰菱
平湖五百里江水想通波不奈扁舟去其如決計何

數逢

一作峰

雲斷處去岷映高山身到章江日應猶

一作猶應

未得閒

一灣斜照水三版順風船未敢相邀釣勞生只自憐
江雨正霏微江村晚渡稀何曾妨釣艇更待得魚歸
新野舊樓名潯陽勝賞情照人長一色江月共淒清
願飲西江水那吟北渚愁莫教留滯跡遠比蔡昭侯
湖口分江水東流獨有情常一作當時好風物誰伴謝一作謝

爲
伴宣城

潯陽江畔菊應似古來秋為問幽棲客吟時得酒不

高峯有佳號千尺倚寒風

一作松

若使爐煙在猶應為上

公

萬木已清霜江邊村事忙故溪黃稻熟

一夜寢一作寢

中

香

楚水苦縈回征帆落又開可緣非直路却有好風來

遠謫歲時宴暮江風雨寒仍愁繫舟處驚夢近長灘

春恨三首

負罪將軍在北朝秦淮芳草綠迢迢高臺愛妾魂銷盡

始得丘遲為一招

久戍臨洮報未歸篋香銷盡別時衣身輕願比蘭階蝶

一作葉萬里還尋塞草飛

永巷頻聞小苑遊舊恩如淚亦難收君前願報新顏色

團扇須防白露秋

蜀國偶題

忽憶明皇西幸時暗傷潛恨竟誰知佩蘭應語宮臣道

莫向金盤進荔枝

未展芭蕉

冷燭無煙綠蠟乾芳心猶卷怯春寒一縗書劄藏何事
會被東風暗拆看

同程九早入中書


一作錢
起詩

漢家賢相重英奇蟠木何材也見知不意雲霄能自致
空驚鵠鷺忽相隨臘雪初明柏子殿春光欲上萬年枝
獨慚皇鑒明如日未厭春

一作
螢

光向玉墀

御定全唐詩卷七百十二



總校官庶吉士臣張能照
校對官庶吉士臣翟槐

謄錄舉人臣丁兆隆